

宋高僧傳卷第十

宅十

宋左衛天臺寺通慧大師賜紫沙門贊寧等奉勅撰

習禪篇第三之三

正傳十六人  
附見八人

唐洪州開元寺道一傳一

智藏

宣州靈湯泉蘭若志滿傳二

沂州寶真院光瑤傳三

道堅

揚州華林寺靈坦傳四

唐州紫玉山道通傳五

雍京章敬寺懷暉傳六

京兆興善寺惟寬傳七

修實

唐洪州開元寺道一傳

智藏

天台山佛窟巖遺則傳八

婺州五洩山靈默傳九

閩志

荊州天皇寺道悟傳十

崇信

鄴都圓寂傳十一

掘多

袁州陽歧山甄叔傳十二

新吳百丈山懷海傳十三

潭州翠微院恒月傳十四

襄州夾石山思公傳十五

真晏

定州大像山石藏傳十六

釋道一姓馬氏漢州人也華以喻性不植於高原浪以辯識發明於溟海生而凝重虎視牛行舌過鼻準足文大字根塵雖同於法體相表特異於幻形既云在凡之境亦應隨機之教年方稚孺獸視塵躅脫落愛取遊步恬曠削髮於資州唐和尚受具於渝州圓律師示威儀之旨曉開制之端浣衣鍛金觀門都錯大龍香象羈絆則難權變無方機緣有待聞衡獄有讓禪師即曹溪六祖之前後也於是出岷峨玉壘之深阻詣靈桂貞篁之幽寂

一見讓公泯然無際頓門不俟於三請作者是齊於七人以為法離文字猶傳蠹露聖無方所亦寄清源遂於臨川棲南廢龕公二山所遊無滯隨攝而化先是此峯岫間魑魅叢居人莫敢近犯之者突爨立生當一宴息于是有神衣紫玄冠致禮言捨此地為清淨梵場語終不見自爾猛鷙毒蠻變心馴擾沓會背憎即事廉讓郡守河東裴公家奉正信躬勸誥稟降英明簡貴之重窮智術慧解之能每至霞霞斂空山月凝照心與境寂道隨悟

深自明者在乎周物博施者期乎濟衆居無何裴公移典廬江壽春二牧於其進脩惟勤率化不墜大曆中聖恩溥洽隸名於開元精舍其時連率路公聆風景慕以鍾陵之壤巨鎮與區政有易柱之絃人同湊轂禪宗戾止降祥則多順而無違居僅十祀日臨扶桑高山光照雲起膚寸大雨均霑建中中有詔僧如所隸將歸舊壤元戎鮑公密留不遣至戊辰歲舉措如常而請沐浴訖儼然加趺歸寂享年八十僧臘五十先於建昌鄙山名石門

環以絕巘呀爲洞壑平坦在中幽偏自久是謀薪火塵劫之會非議岡阜地靈之吉亞相觀察使隴西李公藩寄嚴厲素所欽承予以率徒依歸緬懷助理爰用營福道在觀化情存飾終輟諸侯之旌旗資釋子之幢蓋其時卷十日變明晦人萃遐邇搥覆水而爲陸炬通宵而成晝山門子來財施如積邑里僧供飯香普熏自昔華嚴歸真於嵩陽善導瘞塔於秦嶺禮規齊斬人傾國城哀送之盛今則三之初於林中經行座下開示平等垂法不標於

四科安恬告盡刻期於二月此明一終之先兆也示疾云逝俾葬遠山凡百攀援願留近郭終遂窮僻式遵理命此又明一晦跡之素誠也將歸靈龕爰泝淺瀨人力未濟舟行爲遲膏雨驟下於遠空窮溪遙變於深涉此又明一通神之應感也惟一知真在空無我於有是二俱離假一爲乘示生死者人能作佛辨邪正者魔亦似聖現身不留於大士負手俄萎於捨人弟子智藏鎬英崇泰等奉其喪紀憲宗追謚曰大寂禪師丹陽公包佶爲碑

紀述權德輿爲塔銘今海昏縣影堂存焉又唐虔州西堂釋智藏姓廖氏虔化人也生有奇表親黨異其偉器八歲從師道趣高邈隨大寂移居龔公山後謁徑山國一禪師與其談論周旋人皆改觀屬元戎路嗣恭請大寂居府藏乃迴祿得大寂付授納袈裟時亞相李公兼國相齊公映中郎裴公通皆傾心順教元和九年四月八日終春秋八十夏臘五十五即遷于塔諫議大夫韋綬追問藏言行編入圖經太守李激請旌表至長慶元年謚

大覺禪師云

唐宣州靈湯泉蘭若志滿傳

釋志滿姓康氏洛陽人也幼少之年屬其家  
命沙門陳佛會滿意樂不捨遂投穎川龍興  
寺出家聞洛下神會禪師法席繁盛得了心  
空十  
要南遊到黃山靈湯泉所結茅茨而止後采  
黃連鄉人見滿喜躍問此何處耶鄉人曰  
黃連山屬宣城也願師鎮此未何虎豹多害  
滿曰虎亦有佛性乃焚香祝厭之由茲弭息  
遂成大禪院後示寂春秋九十一永貞元年

入塔焉

唐沂州寶真院光瑤傳

堅道

釋光瑤姓周氏北京人也幼鍾茶蓼都不勝  
情誓志出家捨護肆入禪林凡嚮宗師悉從  
求益未遭會禪師金碑抉膜明視十方後到  
沂水蒙山結草成庵怡然宴坐鄙費之人翕  
然從化時慎邑大夫知重首創禪宮次兗州  
節使王僚尚書躬請入州行化奏署額號寶  
真學侶憧憧多霑大利元和二年示滅享年  
九十二云又唐襄州慈恩寺釋道堅姓王氏

丹陽人也初發心於牛頭山慧忠禪祖大曆元年栖隱池州南泉山後諳襄漢泊慈恩寺元和初載相國燕公鎮于漢南深相欽重問道周勤施供繁沓遂於鳳林關外造寺請居二年示滅春秋七十三云

唐揚州華林寺靈坦傳

宅十

五

釋靈坦姓武氏太原文水人也則天太后姪孫父諱宣洛陽縣令母夏侯氏初妊娠也夢神僧授與寶鑑奉裏瑩然且曰吾以此寄汝善保護之及誕親無所苦年甫七歲誦習畢

會施善誘頓見其心默而許之容其執侍父母不能迴其意飛颺莫繫始末研磨得破疑滯天寶初載召坦曰吾有一句是祖祖相傳至曹溪曹溪付吾汝諦受之吾當有留難遂辭遊方焉未幾果勑移會于弋陽坦遂向廬

州浮槎寺覽大藏經後聞忠國師自南陽詔入於大曆五年禮觀之八年欲出關忠奏曰此人是貧道同門俱神會弟子勑賜號曰大悲兼齋墨勑行化至梁園時相國田公神功供養遷迤邐維揚六合方嘆大法凌夷忽聞空中聲云開心地即見菩薩如文殊像曰與汝印驗今舉項以掌按之尋觀有四指赤痕其印迹恒現又止潤州江中金山今澤心也其山北面有一龍穴常吐毒氣如雲有近者多病或斃坦居之毒雲滅迹又於江陰定山

結庵俄聞有讚嘆之聲視之則白龜二坦爲受皈戒又見二大白蛇身長數丈亦爲受戒懺悔如是却往吳興林山造一蘭若七十一有三丈夫衣金紫趨步徐正稱嘆道場唯善村落之民多弃罟網元和五年相國李公肅之理廣陵也以峻法操下剛決少恩一見坦鄭重加禮召居華林寺寺內有大將軍張遼墓寺僧多爲鬼物惑亂坦居愀然無朕矣又揚州人六多患山妖木怪之所熒惑坦皆退禦焉人事歸信至十年忽見二胡人稱自龜茲國來彼

無至教遠請和尚敷演十一年五月十三日  
於荷澤忌齋告衆吾赴遠請七月示疾九月  
將滅斯預告也至季秋八日果寂爾而終遷  
塔于揚州西馴翟坊之南岡越州掾鄭詹建  
塔報齡一百八歲僧臘八十四焉坦即曹溪  
之孫荷澤之子也

唐唐州紫玉山道通傳

釋道通姓何氏廬江人其爲童也持重寡辭  
見佛形像必對禮嘆詠不捨因父宦于泉州  
南安便求捨卽披縉誦經合格勑度之當天

寶初載也時道一禪師肇化建陽佛跡巖聚  
徒通往焉一師於臨川南康龔公山亦影隨  
而去然誓遊方吳越之間台明山谷靡不登  
陟迨乎迴錫江西泐潭山門勵心僧務不憚  
勤苦貞元二年往南嶽見石頭禪師猶采縷  
加朱藍之色也四年大寂禪師垂欲歸化昌  
言曰夫玉石潤山秀利益沒道業遇可居之  
空十通聞此言且同隱識殊不詳練其年秋與伏  
牛山自在禪師同遊京洛迴至唐州西有山  
峯孤林密四絕人煙實有塵外之趣乃問鄉

人云此山是紫玉山通方憶大寂之懸記我  
合居是峯也乃陟崖嵬見山脊有石方正其  
色紫玉瑩然嘆曰號紫玉者合其稱也先師  
之言非虛記也桂錫解囊參學之徒霧集始  
則誅茅構舍刺史李道古作意爲建禪宮焉  
元和八年弟子金藏出參禮百丈山海禪師  
迴見通通慄然作色沒其來矣此山有主也  
曳杖徑去襄州道俗皆迎至七月十五日無  
疾而終春秋八十三一云故相國于頤最所  
歸心尚書李翹禮重焉

唐雍京章敬寺懷暉傳

釋懷暉姓謝氏泉州人也宿植根深出塵志  
遠迨乎進具乃尚雲遊貞元初禮洪州大寂  
禪師頓明心要時彭城劉濟頗德暉互相推  
證後潛岷嶺山次寓齊州靈巖寺又移卜百  
家巖泉石幽奇苦於禪子請問繁雜上中條  
山行禪法爲法者跡而往蒲津人皆化之  
元和三年憲宗詔入於章敬寺毗盧遮那院  
安置則大曆中勑應天下名僧大德三學通  
贍者並叢萃其中屬誕辰多於此修齋度僧

焉暉既居上院爲人說禪要朝寮名士日來參問復詔入麟德殿賜齋推居上座元和十年乙未冬示疾十二月十一日滅度春秋六十二越明年二月門人智朗志操等奉金身葬于灞橋北原勑謚大宣教禪師立碑于寺

門嶽陽司倉賈島爲文述德焉

唐京兆興善寺惟寬傳

實俗

釋惟寬姓祝氏衢州信安人也祖曰安考曰皎生十三歲見殺生者盡然不忍食退而出家求翦髮於僧臺受戶羅於僧崇學毗尼於

功德於衛國寺明年施無爲功德於天宮寺元和四年憲宗章武皇帝詔於安國寺五年問道於麟德殿其年復靈泉於不空三藏池十二年二月晦大說於傳法堂訖奄然而化報齡六十三僧夏三十九歸葬于灞陵西原

詔謚曰大徹禪師塔號元和正真初寬說心要法三十年度黑白衆殆及百千萬應病授藥安可既乎白樂天爲官贊時遇寬四詣法

堂每來垂一問寬答如流白君以師事之門

弟子殆千餘得法者三十九入室受遺寄者

曰義崇圓照焉唐羅浮山釋寶修俗姓周資

州人也從師於純德寺志求玄理於蘄州忍

大師法裔決了重疑後愛羅浮山石室安止

檀越爲造梵宇蔚成大寺一日告門人曰因

緣相偏懶然不樂衆咸莫測順宗皇帝深重

佛宗知修之名詔入京與三藏擊問并答翻譯之意朗暢如流乃留居輦下三年終於京寺云

唐天台山佛窟巖遺則傳

釋遺則俗氏長孫京兆長安人也祖列鄂州

司馬考利涉隱居金陵則弱不雜俗恬恬終

日而無所營始從張懷瓘學草書獨盡筆妙

雅耽經史尤樂佛書以為得吾心一朝捐家

業從牛頭山慧忠忠所謂牛頭六祖也始天

竺達磨以釋氏心要至傳其道者有曹溪能

嵩山秀學能者謂之南宗學學秀者謂之北宗學而信祖又以其道傳慧融融得之居牛頭山弟子以傳授由是達磨心法有牛頭學則既傳忠之道精觀久之以爲天地無物也我無物也雖無物未嘗無物也此則聖人如影百姓如夢孰爲死生哉至人以是能獨照能爲萬物主吾知之矣遂南遊天台至佛窟巖蓋薜荔薦落葉而戶居飲山流飯木實而充虛虎豹以爲賓麋鹿以爲徒兀然如枯其後樹木者見之轉相告有慕其道者曰道者

未有弟子相率爲築室圖佛安僧蔚爲精舍焉故元和已來傳則道者又自以爲佛窟學佛窟之號自則始也一坐四十年大官名侯齋書問訊檀捨則未嘗有報謝禮拜者未嘗而作起時歲在庚戌季夏十有三日召弟子七十曰汝其勉之至十五日夜遂坐歿是夜山下人聞若山崩旦望之則緣雲翔泊於巖上父老皆泣曰師死矣已而視之果然凡則二十歲爲僧臘五十有八而終善屬文始授道於鐘山序集融祖師文三卷爲寶誌釋題二十

四章南遊傳大士遺風序又無生等義凡所著述辭理粲然其他歌詩數十篇皆行於世則元居瀑布泉西佛窟本院建龕塔會昌中例毀之其院爲道門所有後開元寺僧正法光於咸通乙酉歲遂徙碑于今所河南尹韓

文爲碑文

唐婺州五洩山靈默傳

志

釋靈默俗姓宣毗陵人也本成立之歲悅學忘疲約以射策登第以榮親里承豫章馬大師聚衆敷演造禪關馬師振容而示相默密

契玄機便求披剃若熟癱之待刺耳受具之後苦練行門確乎不拔貞元初入天台山中有隋智者蘭若一十二所懸記之曰此地嚴妙非雜器所棲若能居此與吾無異默因住白砂道場經于二載猛虎來馴近林產子意有所依又住東道場地僻人稀山神一夜震雷暴雨懸崖委墜投明大樹倒欹庵側樹枝交絡茅苦略無少損遐邇聞旃皆來觀嘆後遊東白山俄然中毒而不求醫閉關宴坐未幾毒化流汗而滴乃復常矣行次浦陽盛化

有陽靈成將李望請默居五洩焉元和初亢

陽田畯惶惶默沿澗見青蛇夭矯瞪目如視  
行人不動咄之曰百姓渙竭苗死沒胡不施  
雨救民邪至夜果大雨合境云足民荷其賜  
屬平昌孟簡中丞廉問浙東廢管內蘭若學

徒散逸時暨陽令李胄狀舉靈山許重造院  
十三年三月二十三日澡沐焚香端坐繩牀  
囑累時衆溢然而絕壽齡七十二法臘四十  
一高僧志開道行峭拔文辭婉麗亦江左之  
英達為默行錄焉

唐荊州天皇寺道悟傳

崇信

釋道悟姓張氏婺州東陽人也受天粹氣爲  
王子生而神雙長而謹愿年十四金翅始毛  
麒麟方角啓白尊老將求出家慈愛之旨不  
見聽許輒損薄常膳日唯一食雖體羸弱

彌年益堅父母不獲已而許之遂往明州大  
德剥落年二十五依杭州竹林寺大德具戒  
以勇猛力扶牢強心於六度門修諸梵行常  
以爲療膏肓者資上妙藥開暗冥者求善知  
識不假舟楫其濟渡乎遂蹶然振策投徑山

國一禪師悟禮足始畢密受宗要於語言處  
識衣中珠身心豁然真妄皆遣斷諸疑滯無  
畏自在直見佛性中無綺磷服勤五載隨亦  
印可俾其法雨潤諸叢林悟蓄力向晦深入  
卷十  
深阻實異一飛摩霄力轉遁於餘姚大梅山  
十一

是時大曆十一年也層崖絕壑天籟蕭瑟夏  
無鄰落七日不食至誠則通物感迺靈猱狔  
穀穫更饋橡栗異日野夫操斧言伐其楚偶  
所遭覩駭動悚息馳諭朋曹謂為神奇曾不  
自期詣者成市憑嵌倚峭且構危棟貲糧供  
造父習御郢人運斤兩虛其心相與脣合白

具環遶方丈猛虎眈眈侷出族遊一來座側  
斂折肢體其類馴擾可知也夫語法者無階  
漸涉功者有淺深木踰鑽而見火鑑勤磨而  
照膽理必然矣是以掃塵累遜巖藪服形體  
遺晝夜精嚴不息趣無上道其有旨哉如是

月映太陽齊照洪河注大海一味仲尼謂顏子亞聖然燈與釋迦授記根果成熟名稱普聞如須彌山特立大海繇是近佛恢張勝因凡諸國土緣會則答始卜于禮陽次居于灘口終棲于當陽柴紫山即五百羅漢翶翔地

空十

十三

也檉松翁鬱以含風崖巒巉巖而造天駕漱灘之紫霞枕清冷之玉泉鸞鳳不集於蓬蘽求我川流星聚虛往實歸或接武於林樾或騎肩於廬舍戶外之屢爛其室盈矣荊州雄

藩也都人士女動億萬計莫不擎跪稽首嚮風作焉崇業上首以狀于連帥而邀之不違願力聿來赴請屬及於虛落錫及於都城白黑爲之步驟幡幢爲之轡轔生難遭想得未曾有彼優波鞠多者夫何足云有天皇寺者據郡之左標異他刹號爲名藍困於人火蕩爲煨燼僧坊主靈鑒族而謀之以爲滿人攸至人必宅於勢勝誠如是也洪鐘待叩童蒙默往肩舉而至二寺夕有所失朝有所得諍論鋒起達于尊官重於返復畢安其處江陵

尹右僕射裴公摺紳清重擁施統衆風望所  
暎當時半程驅車盛禮問法勤至悟神氣灑  
落安詳自處徐以軟語爲之獻酬必中精微  
洞過肯綮又常秉貞操不修逢迎一無卑貴  
王而揖對裴公訝其峻拔徵其善趣謂抗俗  
之志嘗徑挾如是邪悟以爲是法平等不見  
主客豈効世諦與人居而局狹邪裴公理冥  
意會投誠歸命旣見仁者我心則降如熟得  
濯躁憤冰散自是禪宗之盛無如此者元和  
丁亥歲有背痛疾命弟子先期告終以夏四

月晦庵然入滅春秋六十僧臘三十五以其  
年八月五日葬之郡東隅靈龕建塔從僧禮  
也悟身長七尺神韻孤儻手文魚躍頂骨犀  
起行在於瓊瑤志在於華嚴度人說法雄健  
猛利莫一旨云境淨共住水波同體觸境迷  
著浩然忘歸三世平等本來清淨一念不起  
即見佛心其悟解超頓爲若此也先是煙燄  
之末殿宇不立顧縉褐且虧瞻禮密念結構  
罔知權輿禪宴之際若值神物自道祠舍濱  
江水焉凡我疆畛富於松梓悉願傾倒施僧

伽藍命工覘之宛若符契於是斬巨棟幹脩  
櫓控崖柱壑雲屯卉構時維秋杪水周都涸  
徒衆歛手塊然無謀會一夕雨至萬株並進  
晨發江滸暮抵寺門剗廟之際動無之者其  
餘廊廡牀案靡非幽贊事鄰語怪闕而不書  
其攝靈祇皆此類也比丘慧真文賓等禪  
子幽闇皆入室得悟之者或繼坐道場或分  
枝化導時太常協律符載著文頌德焉世號  
元皇門風也又唐澧州龍潭禪院釋崇信未  
詳氏族信在俗爲諸宮胡餅師之子弱齡究

異神府寬然昔天皇寺悟禪師隱耀藏光人  
莫我測信家居寺巷恒日捉餅箇饋悟公齋  
食食畢且留一餅曰吾惠沒以蔭子孫信一  
日自念曰餅是我持去何以返遺我邪莫別  
有旨乎遂拱手問焉悟公曰是汝持來復汝  
何咎信聞似有驚怪因勸出家便求攝受曰  
爾昔崇福善今信吾言故名之也由是躬于  
生十十五井曰供億服勤力問悟云未蒙指示心要悟  
公云時時相示信凜稟斯言如遊子之還家  
若貧人之得寶直從荆渚乃詣澧陽龍潭棲

止因李翱尚書激揚時乃出世後德山鑒師  
出其門宗風大盛矣

唐鄴都圓寂傳

掘

釋圓寂不知何許人也恒以禪觀爲務勤修  
匪懈就嵩山老安禪師請決心疑一皆明煥  
寂化行相部依附者多久居天平等山稠禪  
師往跡無不徧尋時大司空嚴綬傾心信重  
享壽一百五十五歲咸亨二年己巳歲生按  
武二年辛未合云  
總章二年己巳也世號無生和尚是歟寂之  
高岸恒不欲人致禮邀請必有不可犯之色

時或非之然則志意修則驕富貴道義重則  
輕王公非其傲誕勢使然也釋掘多者印度  
人也從踰沙磧向慕神州不問狄鞮旋通華  
語而尚禪定徑謁曹溪能師機教相接猶弱  
喪還家焉多遊五臺路由定襄歷村見一禪  
者結庵獨坐問之曰子在此奚爲曰吾觀靜

多曰觀者何人靜者何物得非勞子之形役  
子之慮乎其僧茫昧拱默而已作禮數四請  
垂啓發多曰子出誰門邪曰神秀大師多曰  
我西域異道寔繁有徒最下劣者不墮此見

兀然空坐蓐爛身疲初無深益子莫起如是見立如是論早往韶陽請決所疑能曰子何不自觀自靜邪不觀相不觀如子遊歷日用自然安樂也一如多所言略無少異伊僧抉開羅網多後莫知攸往

唐秦州陽岐山甄叔傳

釋甄叔不知何許人也幼而聰敏倜儻不羈心目融明具大人相觀生死輪上見九地羣迷猶如熊蟻處在蚊睫受勝妙欲似嚼蠟無味遂投簪削頂具佛牒懺求正覺了義扣大

寂禪師一造玄機萬慮都寂乃曰羣靈本源假名爲佛體竭形消而不滅水流朴散而常存性海無風驚波自湧心虛絕兆萬象齊照體斯理者不言而徧歷沙界不用而功益玄化如何背覺反合塵勞於陰界中妄自囚繫於是形同水月流浪人天哉叔見宜春陽岐山羣峯四合歎曰坤元作鎮造我法城纔發一言千巖響答松開月殿星布雲廊青嵐城中化出金界始從宴坐四十餘年滿室金光晝夜常照於是化緣已畢機感難留元和庚

予歲正月十三日忽棄塵區還歸大定門第  
子如坦良寶等心沒悲海哀聲動山如月隱  
天羣星失耀大集衆木積爲香樓用作茶毗  
獲舍利七百粒於東峯下建窣堵波上足任  
運者命志開爲碑紀述矣

唐新吳百丈山懷海傳

釋懷海閩人也少離朽宅長遊頓門稟自天  
然不由激勸聞大寂始化南康操心依附虛  
往實歸果成宗匠後檀信請居新吳界有山  
峻極可千尺許號百丈歟海旣居之禪客無

遠不至堂室隘矣且曰吾行大乘法豈宜以  
諸部阿笈摩教爲隨行邪或曰瑜伽論瓔珞  
經是大乘戒律胡不依隨乎海曰吾於大小  
乘中博約折中設規務歸於善焉乃創意不  
循律制別立禪居初自達磨傳法至六祖已  
來得道眼者號長老同西域道高臘長者呼  
須菩提也然多居律寺中唯別院異耳又令  
不論高下盡入僧堂堂中設長連牀施櫈架  
挂搭道具卧必斜枕牀脅謂之帶刀睡爲其  
坐禪既久略偃亞而已朝參夕聚飲食隨宜

示節儉也行普請法示上下均力也長老居方丈同維摩之一室也不立佛殿唯樹法堂表法超言象也其諸制度與毗尼師一倍相翻天下禪宗如風偃草禪門獨行由海之始也以元和九年甲午歲正月十七日歸寂享年九十五矣穆宗長慶元年勅謚大智禪師塔曰大寶勝輪焉

系曰自漢傳法居處不分禪律是以通禪達法者皆居一寺中院有別耳至乎百丈立制出意用方便亦頭陀之流也矯枉從端乃簡

易之業也所言自我作古古故也故事也如立事克成則云自此始也不成則云無自立辟今海公作古天下隨之者益多而損少之故也謚海公爲大智不其然乎語曰利不百不變格將知變斯格厥利多矣彌沙塞律有諸雖非佛制諸方爲清淨者不得不行也

唐潭州翠微院恒月傳卷十  
真亮

釋恒月姓韓氏上黨人也厥父爲土監商西江往還俄遇剽略溺死月雖幼弱念父葬于魚腹母又再行乃決志出家求報恩育受教

於聖善寺慧初得度已造嵩山禪會便啓發  
心要後訪道尋師靡憚夷險抵望湖山翠微  
巖下古院挂錫四方學者如蜂得王翕然盛  
化建中元年示疾而終春秋七十九其年三  
月十二日遷塔焉洛京廣愛寺釋真亮姓侯

氏景城人也家訓儒雅辭彩粲然潔素持操  
與羣少年有異忽以焚籠爲厭且曰去情除  
餽是所願也遂於本州開元寺智休師下披  
染服然其刈薪汲水率先於人習行頭陀行  
受具已遊嵩少遇普寂獎訓頓開蒙昧入龍

門山居而禪默問津者交集聲望日隆屬留  
守尚書王公鐸保釐聞而欽奉召入廣愛寺  
別住居焉示人禪觀匪倦教詔得道者亦多  
矣以貞元四年十一月三日忽告門人以桑  
榆未照誠難久留囑累而終年八十八焉

唐襄州夾石山思公傳

全十  
星真

十九

釋思公姓李氏恒陽人也早出家于本府龍  
興寺得度後遊伊洛間見普寂禪師開暢禪  
法寂始見提誘尋徹鉤深至南雍隱夾石山  
翛然自處屬牛公觀政漢南聞其聲績請入

城謝病不應其命牛帥亦不奪其志檀施相  
望學衆侁侁若栴檀之園遼焉以興元初年

示疾歸滅春秋八十四焉亳州安國院釋曇

真姓陳維青人也少小隨父往彭門鬻棗於  
逆旅而亡所怙真嘆恨無依乃投徐大雲寺

爲僧其土是嵩法師之後經論敷澤真翫習  
該通後遊勝境入嵩山學禪觀已至任城邂  
逅李中丞諷赴職譙郡接真談道抵掌盱衡  
如披雲霧李恨相識之晚請以同行時聚風  
亭月觀談道達旦李後入爲京尹因從容稱

奏真道盛德至德皇下詔徵而不奉詔貞元  
七年四月示滅門人建塔云

唐定州大像山定真院石藏傳

釋石藏姓呂漢東人也年鄰小學露成人之  
度跪告堂親願爲佛子遂志入開元寺削染

受戒剋願禮嵩山寂禪師豁悟禪法至中山  
大像峯間石室孤坐冥寂數夏安然同好者  
望風而至蔚成叢衆陶化博陵人咸欣戴會  
州帥李公卓翹仰之切命入城住貴親玄論  
謝云野性難拘不閑禮法恐玷威稜卓躬登

山訪問欵密交談深開昏昧遂奏院題額曰  
定真焉藏預白衆訣別明日坐亡春秋八十  
三貞元十六年正月入塔立碑頌德云

音釋

聲十

蠹露梵語具云修蠹露此  
云契經蠹當故切  
切蟲妻也獻語僂切山呀虛牙切  
形似蠻也信巨乙鄭疾凌切  
也懃七小也慳客國名凌切  
物也斃頤祭切也慳色變切  
也飛疾也斃類切也懃也慳也  
也也也

爨許覲切  
奴也爨也  
施也爨也

也也也也也也也也也也也也也

頓徒歷  
也也也也也也也也也也也也也  
也也也也也也也也也也也也也

永樂北藏

宋高僧傳

第一五〇冊